

橋牌高手蔡新榮 退休再過手癮

【明報專訊】土木工程拓展署長蔡新榮返埋今日工，聽日就開始退休放假，佢嘢日同班記者短敘話別，講到退休後有咩搞作，就話自己對橋牌好大癮，但過去為咗工作丟低橋牌好多年，係時候重拾「舊歡」，佢又大讚玩橋牌好講邏輯、推理，好過打麻雀。

Emily 一向都知蔡署長鍾意玩橋牌，佢上年就參加咗一個城際嘅名人橋牌賽，同世界橋牌錦標賽嘅冠軍交手，佢地個隊仲拎咗個第二名。蔡署長真係好鍾意玩橋牌，一講起橋牌就眉飛色舞，話橋牌講推埋、訓練思考。有記者問蔡署長有無因為玩橋牌而荒廢工作，佢就話自己都控制都好好，仲教記者一個英文「Bridge widow」，意思係若果老公太沉迷橋牌，就令老婆好似守生寡，佢當然唔會咁啦。

中四開始玩 贏過歐洲機票

蔡署長話中四開始玩橋牌，1980年代嗰陣同過朋友組隊參加橋牌賽，仲贏埋個冠軍，攞到雙人來回歐洲商務機票，佢笑住話當時大家都帶埋老婆去，但為咗慳錢，另外買嘅機票都係經濟機位，佢唯有同朋友夾定一人一程坐商務客位過下癮啦。

2011年1月5日

政情：蔡新榮與「橋」結不解緣

由屯門公路嘅穿山大橋到創下世界紀錄嘅青馬大橋，以至講求邏輯嘅橋牌，即將榮休嘅土木工程拓展署署長蔡新榮，一生與「橋」結下不解緣，係政府一做就卅二年。返埋今日就正式開始退休前休假嘅蔡新榮透露，七三年畢業後第一份工係私人顧問公司任職，一入行就有份興建屯門公路，自此對大橋「情根深種」，最自豪係參與青馬大橋工程，回憶時仲一臉緬懷：「當時嘅時間緊迫下可如期完工，仲創下咗同類吊橋最長世界紀錄，滿足感好強烈！」



蔡新榮多年來心繫大橋，參與興建青馬大橋，令佢最引以為傲。

離任在即嘅佢，仍心繫基建，覺得政府因為填料庫爆滿而將建築廢料運往內地好嘍，建議喺北大嶼山等地填海解決房屋問題，佢仲苦口婆心話：「市民唔應該對填海諗得太負面，社會應該多啲討論。」

講到退休後係咪加入私人機構，佢話未有具體計劃，唯獨對橋牌滿腹大計。曾經喺今年名人橋牌邀請賽與「棋聖」聶衛平過招嘅佢坦言：「最想操番橋牌，之前太忙丟低咗十年，只係間中玩吓，希望以後可多啲參賽。」佢興趣多多，又想唱歌同打羽毛球，睇嚟退休後不愁寂寞。

2011年1月5日

隔牆有耳：土拓署長退休唔下海

曾參與屯門公路、青馬大橋等大型基建嘅土木工程拓展署署長蔡新榮退休在即，做咗公務員 32 年，佢話最開心係有多啲時間打橋牌同陪家人，又話暫時冇計劃下海幫地產商打工。蔡新榮 73 年港大土木工程系畢業，06 年升做署長，親身參與香港過去逾 30 年基建，印象最深係全程參與設計、興建青馬大橋。對於近年民意唔輕易俾新基建過關，蔡新榮不以為然，話 70、80 年代興建西環山道天橋時，要拆卸兩邊大廈露台，居民都有乜意見，而家世界唔同晒，咁樣拆民居，後果不堪設想。蔡新榮又話香港人口增加，有住屋需要，興建鐵路、隧道挖出大量泥土，家陣唔用嚟填海要運到內地處置，所以佢認為公眾要重新理性討論填海問題，「維港唔填大家有共識，但抹煞晒（其他海域）就唔好」。下任署長韓志強現年 52 歲，明日履新。



蔡新榮希望退休後多打橋牌。

《財經人語》

* 袁天凡謝仕榮比賽橋牌決高下 *

橋牌呢種貴族玩意，原來商界中唔少人都係同好。中國金融租賃（02312）就會喺8月1號舉行橋牌名人邀請賽，參賽者名單入面有唔少係商界大人物，包括嘉禾集團前主席鄒文懷、聯交所前行政總裁袁天凡、友邦（01299）榮譽主席謝仕榮、吉汽（00175）CEO桂生悅、惠記（00610）主席單偉豹，都話落場比拼下，以橋牌一較高下！

原來呢個活動搞咗三年架啦，至於點解咁多樣比賽唔搞，係要揀橋牌呢？答案好明顯，因為公司集團主席蔡國雄係世界橋牌聯盟副主席，仲要係香港橋牌協會榮譽會長，佢自然會落場一顯身手啦！

《笑傲缸湖》袁天凡、謝仕榮、鄒文懷橋牌一較高下！

《笑傲缸湖》橋牌呢種貴族玩意，盈盈都略懂一二，不過原來商界中唔少人都係同好。中國金融租賃(02312)就會喺8月1號舉行橋牌名人邀請賽，參賽者名單入面有唔少係商界大人物，好似嘉禾集團前主席鄒文懷、聯交所前行政總裁袁天凡、友邦(01299)榮譽主席謝仕榮、吉汽(00175)CEO桂生悅、惠記(00610)主席單偉豹、都話落場比拼下，以橋牌一較高下！

原來呢個活動搞咗三年架啦，至於點解咁多樣比賽唔搞，全要揀橋牌呢？答案好明顯，因為公司集團主席蔡國雄係世界橋牌聯盟副主席，仲要係香港橋牌協會榮譽會長，佢自然會落場一顯身手啦！《任盈盈》

2011年8月3日

中環出更：名人橋牌賽 高手過招

香港橋牌協會舉辦嘅香港城市橋牌錦標賽前晚正式開鑼，為咗打響頭炮，首日安排名人邀請賽，並為協會六十周年慶典揭開序幕。



左起：蔡新榮、鄭漢生及李承仕都有參加今年名人橋牌邀請賽。（徐家浩攝）

橋牌協會 60 周年誌慶

今次橋牌賽，卓妮見到三位前高官，包括前工務局局長鄭漢生及李承仕、前土木工程拓展署署長蔡新榮，大家又再聯手博弈。同場仲有財經達人袁天凡，佢喺賽事前好謙話自己技術麻麻，但與著名漫畫家蔡志忠拍住作戰，最終得到第三名，成績算係唔錯。

呢項橋牌賽已經成為亞太區嘅年度盛事，今年賽事一連七日舉行，公開賽緊接名人賽舉行。橋牌協會會長單偉彪坦言，利用名人嘅號召力，可以吸引更多青少年參與橋牌呢項咁益智嘅活動。今年適逢協會六十周年誌慶，單會長話準備嘅明晚舉行慶祝酒會，屆時會邀請創會會員出席，新知舊雨，濟濟一堂。



- 名人邀請賽戰況激烈，大家專心打橋牌。

你對股市徹底失望了嗎？

7月恒指結算後，港股恢復慣常的弱勢。受美股大跌影響，近週三(8月3日)恒指跌破22000點，收報21992點，跌430點。8月期指收報21939點，低水60點。即市圖技術指標接近底部，帶來反彈希望，但股票普遍跌幅明顯，大市即使反彈，也不能令投資者受益。

人們說美股因擔憂美國兩黨不能就國債問題達成協議而下跌，結果美股因兩黨就國債問題達成協議而大跌，出乎大家的常識判斷之外。

各位，經歷股海這三個月的反覆折磨，你對股市徹底失望了嗎？坦白說，港股的表現，連筆者這樣樂觀堅強的股民，也感到有些心灰意冷……

有人笑言，連索羅斯基金都「執笠」不想再玩了，我們何必還留戀這個亂哄哄的地方？美元兌日圓升到76元，簡直離晒大譜！

對沖基金反轉大市，我等散戶暈頭轉向。應付如此亂市，少做少錯是一計。現在日間上班，還能打電話來做買賣的客戶，都是投資素質很好、實力很強的人，我真心佩服他們，並深刻認識到自己的不足。

上市公司名人橋牌賽

這星期股市令人失望，但也有一件好玩的事情：中國金融租賃(02312)在8月2號舉行橋牌名人邀請賽，筆者報名參觀獲准，去到現場觀戰一小時，大開眼

▶中國金融租賃(02312)在8月2號舉行橋牌名人邀請賽，筆者報名參觀獲准，去到現場觀戰一小時，大開眼界、非常高興。

界、非常高興。

參賽者中不單有很多名人，鄒文懷先生(圖中)、袁天凡先生(圖右)、友邦(01299)謝仕榮先生、港大譚廣享教授、漫畫家蔡志忠、惠記(00610)單氏兄弟等等……不能盡錄，也有中國國家橋牌隊的隊員，甚至世界級橋牌大師鞠傳成先生、全國橋牌賽冠軍、第13屆世界女子橋牌賽冠軍等人。我還見到神奇的Ella Grace女士。她的一位也在現場觀戰的朋友告訴我，這是一位90歲的老人，我是無論如何都不相信，思路非常敏捷，動作非常靈活，看起來70歲差不多了。

原來金融租賃集團的主席蔡國雄是世界橋牌聯盟副主席，香港橋牌協會榮譽會長，所以搞得成這麼特別的比賽。

筆者是一位橋牌迷，但多年沒有玩了，主要是沒有PARTNER。看了這場比賽，勾起我的橋牌癮，決意重拾此好。

趁股市既難炒又淡靜，多找些樂趣，休養生息。CAPITAL



周琦

乾坤燭顧問
申銀萬國證券聯席董事
chowhee@163.com



7月恒指結算後，港股恢復慣常的弱勢。受美股大跌影響，周三恒指跌破22000點，收報21992點，跌430點。8月期指收報21939點，低水60點。即市圖技術指標接近底部，帶來反彈希望，但股票普遍跌幅明顯，大市即使反彈，也不能令投資者受益。

人們說美股因擔憂兩黨不能就國債問題達成協議而下跌，結果美股因兩黨就國債問題達成協議而大跌，出乎大家的常識判斷之外。

各位，經歷這三個月的反覆折磨，你對股市徹底失望了嗎？坦白說，港股的表現，連筆者這樣樂觀堅強的股民，也感到有些心灰意冷。

有人笑言，連索羅斯都「執笠」不想再玩了，我們何必還留戀這個亂哄哄的地方？！日元升到76元，簡直離晒大譜！

對沖基金反轉大市，我等散戶暈頭轉向。應付如此亂市，少做少錯是一計。現在日間上班，還能打電話來做買賣的客戶，都是投資素質很好、實力很強的人，我真心佩服他們，並深刻認識到自己的不足。

上市公司的名人橋牌賽

這星期股市令人失望，但也有一件好玩的事情：中國金融租賃（2312）在8月2號舉行橋牌名人邀請賽，筆者報名參觀獲准，去到現場觀戰一小時，大開眼界、非常高興。

參賽者中不單有很多名人，鄒文懷先生、袁天凡先生、友邦（1299）謝仕榮先生、港大譚廣享教授、漫畫家蔡志忠、惠記（0610）單氏兄弟，等等，不能盡錄，也有中國國家橋牌隊的隊員，甚至世界級橋牌大師鞠傳成先生、全國橋牌賽冠軍、第13屆世界女子橋牌賽冠軍等人。我還見到神奇的Ella Grace女士。她的一位也在現場觀戰的朋友告訴我，這是一位90歲的老人，我是無論如何都不相信，思路非常敏捷，動作非常可靈活，看起來70歲差不多了。

原來金融租賃（2312）集團的主席蔡國雄是世界橋牌聯盟副主席，香港橋牌協會榮譽會長，所以搞得成這麼特別的比賽。

筆者是一位橋牌迷，但多年沒有玩了，主要是沒有PARTNER。看了這場比賽，勾起我的橋牌癮，決意重拾此好。趁股市既難炒又淡靜，多找些樂趣，休養生息。



名人橋牌



由香港橋牌協會舉辦的「二零一一中國金融租賃名人邀請賽」，每年均會以「橋牌名人邀請賽」作為整個大賽的序幕活動，今年「中國金融租賃集團」繼續贊助名人賽及邀請賽，並邀請全國政協安員王征及中央人民政府駐香港特別行政區聯絡辦公室協調部部長沈沖為頒獎嘉賓。

香港橋牌會創辦於一九五一年，由一群熱愛橋牌的人士成立，旨在提倡有益身心的「橋牌」智力運動。該會代表香港於國際檯會屬下世界橋牌聯盟之組織，同時是中國香港體育協會暨奧林匹克委員會及亞太橋牌聯會的成員。



▲惠記集團副主席單偉彪（右）是香港橋牌協會副主席，他代表該會致送紀念品予沈沖，答謝其抽空出席。

1. 漫畫家蔡志忠（右一）原來亦是橋牌愛好者。
2. 各嘉賓對於成績相當緊張，聚精會神查看結果。
3. 體院新任主席李家祥熱衷橋牌，更豪言五歲已懂得此玩意。
4. 退休後的鄧文懷亦被邀參加名人比賽。
5. 盛傳加盟對沖基金的袁天凡，笑言橋牌技術相當麻麻。
6. 每年的名人橋牌賽都吸引了不少名人參賽。